

Transkription von Urkunde ASL 1354a

Ort, Datierung: Aschersleben, 1354-03-19

Signatur: Stadtarchiv Aschersleben, U57

Inhalt: Dekan Borchart: Errichtung eines Altars in der Pfarrkirche

Wie borchart van der gnade goddes dekan tũ dem dōme tũ halb(e)r(stad) / vn(de) vormũndere des archidiaconatus tũ Assch(ersleuen) beken(n)en ope(n)bare in / dissem jeghenw(er)dighe briue vn(de) dũn witlik alle den die dissen brief / sien hore(n) eder lesen dat by vns sint ghewesen des goddes huses getrũwe / Ratman(n)e vn(de) bũrghe(re) tũ assch(ersleuen) vn(de) hebbe(n) an vns ghe[...] dat sie met / vulbort vnser vn(de) vnser nakomeli(n)ghe muste(n) buwen vn(de) bewedeme(n) eyne(n) / altar inder parrekerken tũ Assch(ersleuen) dat hebbe wie on ghunstleke(n) ĩr/lōuet , also dane wis dat it des prouestes vn(de) der ebdisschene vn(de) der / vruwe(n) der kloster buten der stat tũ Assch(ersleuen) wille dar by sy vn(de) vns / vn(de) vnser nakomelighen die den ban hebben tũ Assch(ersleuen) vn(de) dem vor/gheschreue(n) proueste vn(de) ebbedisschene(n) vn(de) vrũwe(n) nicht schedelek / en sy tũ ennegheme rechte(n) Tu eyneme ape(n)barn orku(n)de so hebbe / wie on dissen brief beseghelt met vnseme ingheseghele Na / goddes ghebort dretteynhundert Jar in dem vier vn(de) veftegheste(n) / Jare des neysten mytwekens vor der Mydfasten